

ՈՐՈՇՈՒՄ 654/6
/վարչական տույժ նշանակելու մասին/

<<23>> սեպտեմբեր 2020թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս, քննելով Ալեքսանդր Հակոբյանի/ ծնված 02.07.1990 թ.-ին, անձն. AS0317429, ԼՂՀ, Ստեփանակերտ, Հեքիմյան Ցա, տուն 2/ վերաբերյալ գործը,

Պ Ա Ր Զ Ե Ց Ի

29.08.2018 թվականի թիվ 05100033/290818/0052620 տարանցման հայտարարագրով Արևելյան մաքսատուն-վարչության Բագրատաշենի մաքսային կետ-բաժնով ՀՀ տարածք է ներմուծվել BMW մակնիշի, WBANU53568CT10790 նույնականացման համարի տրանսպորտային միջոց: Նշված տրանսպորտային միջոցը և այն ուղեկցող փաստաթղթերը սահմանված ժամկետում՝ մինչև 08.09.2018 թվականի չի հասցվել նշանակված մաքսային մարմին՝ ՀՀ ՊԵԿ Արևելյան մաքսատուն-վարչություն:

ՀՀ ՊԵԿ Արևելյան մաքսատուն-վարչության Մաքսային գործառնությունների բաժնի ավագ մաքսային տեսուչի կողմից 03.07.2020 թվականին նշված փաստը հայտնաբերվել և Ալեքսանդր Հակոբյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 195-րդ հոդվածի հատկանիշներով: Նշանակվել է գործի քննություն 31.07.2020 թվականին ժամը 12:00-ին: Ծանուցագիրը և արձանագրությունը ուղարկվել է տարանցման հայտարարագիրը լրացնելու ժամանակ Ա. Հակոբյանի կողմից նշված հասցեով, վերջինս ծանուցագիրը և արձանագրությունը ստացել է:

Գործի քննության շրջանակներում հարցում է կատարվում ՀՀ ՊԵԿ աշխատակազմի մաքսատուն-վարչություններ՝ նշված տրանսպորտային միջոցի հետ կապված մաքսային գործառնություններ կատարված լինելու վերաբերյալ փաստը ճշտելու համար: Ի պատասխան հայտնել են, որ հարցմամբ նշված տրանսպորտային միջոցի վերաբերյալ մաքսային գործառնություններ չեն կատարվել:

Քանի որ անհրաժեշտություն է առաջացել հարցումներ կատարել ՀՀ և ԱՀ ոստիկանություններ՝ BMW մակնիշի, WBANU53568CT10790 նույնականացման համարի տրանսպորտային միջոցի մասնակցությամբ ավտովթարի, այլ հանցագործության դեպքերի, ինչպես

նաև հափշտակության դեպքեր գրանցված լինելու վերաբերյալ տեղեկատվություն ստանալու նպատակով, ուստի 14.08.2020 թվականին վարչական վարույթը կասեցվել է: Պատասխան գրությունը ՀՀ ոստիկանությունից ստացվել է 26.08.2020 թվականին / ՀՀ ՊԵԿ մուտքի համար 43426-2020/, իսկ ԱՀ ոստիկանությունից 09.09.2020 թվականին / ՀՀ ՊԵԿ մուտքի համար 45825-2020 /: Վարչական վարույթը վերսկսվել է 09.09.2020 թվականին և կրկին նշանակվել է լսումներ 23.09.2020 թվականին ժամը 17:00-ին, որի վերաբերյալ Ա. Հակոբյանը պատշաճ ծանուցվել, սակայն չի ներկայացել վարչական վարույթի քննարկմանը, միջնորդություն չի ներկայացրել այն հետաձգելու վերաբերյալ, ուստի գործի քննությունը անցկացվել է իր բացակայությամբ:

ԱՀ ոստիկանությունից պատասխան գրությամբ հայտնել են, որ Ալեքսանդր Հակոբյանի կողմից ՀՀ ներմուծված 'ԲՄՎ' մակնիշի 7380 HH համարանիշի ավտոմեքենան 2019 թվականի մարտի 05-ին ժամը 22:50-ի սահմաններում գտնվելով Ստեփանակերտ քաղաքի Տ. Մեծ փողոցի թիվ 36 շենքի բակում կայանված վիճակում, վրաերթի է ենթարկվել Պարույր Աղաբեկյանի վարմամբ 'Միցուբիշի կոլտ' մակնիշի 35RP900 համարանիշի մեքենայով՝ հետընթաց կատարելով: Որի վերաբերյալ կազմվել է թիվ 622 արձանագրություն-համաձայնություն և նյութերն ուղարկվել է ՀՀ ԱՊՊԱ բյուրո:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Նույն օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը՝ առաջացնում է տուգանքի նշանակում՝ 100,000 դրամի չափով:

ԵՏՄ մաքսային օրենսգրքի 150-րդ հոդվածի 1-ին մասի 1-ին ենթակետի համաձայն՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ

մաքսային ընթացակարգով ձևակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է՝

- 1) ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայրը՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գտնում է, որ սույն գործով առկա է Ալեքսանդր Հակոբյանի մեղքը: Գնահատելով ԱՀ ոստիկանությունից ստացված գրությունը վարչական մարմինը արձանագրում է, որ ԱՀ ոստիկանության գրության մեջ նշված է՝ ԲՄՎ՝ մակնիշի 7380 HH համարանիշի ավտոմեքենա, սակայն հարցումը կատարվել է BMW մակնիշի, WBANU53568CT10790 նույնականացման համարի ավտոմեքենայի վերաբերյալ, ուստի վարչական մարմինը այն չի կարող նույնականացնել: Վարչական մարմինը սույն գործով էական է համարում այն փաստը, որ ավտոմեքենայի վրաերթի դեպքը տեղի է ունեցել 2019 թվականի մարտի 05-ին, սակայն Ա. Հակոբյանը մինչ ավտոմեքենայի վրաերթի դեպքը պարտավոր էր մինչև 08.09.2018 թվականը, 29.08.2018 թվականի թիվ 05100033/290818/0052620 տարանցման հայտարարագրով ՀՀ ներմուծված ավտոմեքենան և այն ուղեկցող փաստաթղթերը ներկայացնել ՀՀ ՊԵԿ Արևելյան մաքսատուն-վարչություն, որն էլ չի կատարել և թույլ է տվել ՀՀ ՄՕ 195-րդ հոդվածի խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 195-րդ հոդվածով նախատեսված մաքսային կանոնների խախտում կատարելու համար ՀՀ քաղաքացի Ալեքսանդր Հակոբյանին ենթարկել վարչական պատասխանատվության՝ տուգանելով 100.000 ՀՀ դրամի չափով:
2. Որոշման մասին հայտնել Ալեքսանդր Հակոբյանին՝ պարզաբանելով, որ այն ուժի մեջ է մտնում ստանալու հաջորդ օրը և Վարչարարության հիմունքների և վարչական վարույթի մասին ՀՀ օրենքի 71-րդ հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին, կամ ՀՀ վարչական դատավարության

օրենսգրքի 72-րդ հոդվածի 1-ին մասի 1-ին կետի համաձայն՝ 2 ամսվա ընթացքում ՀՀ վարչական դատարան:

3. Սույն որոշմամբ նշանակված տուգանքի վճարման հաշվեհամարն է. 900005024055՝ 100% (ՀՀ պետական բյուջե, կենտրոնական գանձապետարան, Արեվելյան մարսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ